



Inuit Ataqatigiit Inatsisartuni

10. januar 2007

Inatsisartut Suleriaasianni § 36, imm. 1 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqquq:

Peqqissutsimut Naalackersuisoqarfiup ataani pilersinneqarsimasoq, Ileqqorissaarnissamut tunngasutigut Siunnersuisoqatigiit ullumikkumut qanoq ingerlappat? Siunnersuisoqatigiinni apeqquqit suut pingaartinneqarlutik oqaluuserisassatut aalajangersaaffigineqarsimappat? Inuunerup kipineqarnissaanut ikiunnissamut tunngasut Siunnersuisoqatigiinni oqaluuserineqarsimanerlutik, imaluunniit oqaluuserineqartussatut eqqarsaataasimanerluni?

(Inatsisartuni ilaasortaq Olga P. Berthelsen, Inuit Ataqatigiit)

Tunngavilersuut:

Taamatut apeqquqeqarninnut tunngavigaara isumaqarama Ileqqorissaarnissamut tunngasutigut Siunnersuisoqatigiit suut pingaartillugit oqaluuserineqartussatut aalajangersaavigisimanerai paasissallugu pisariaqartoq aammalu pingaaruteqartoq.

Kingullertut apeqququtigisara apeqquqigaara, pingaaruteqarsorigakku nunatsinni apeqququtip taassumap eqqartorneqarnissaa.

Ulluinnarni inuppassuuvugut napparsimaruluttunik ilaatigullu katsorsarneqarsinnaanngitsumik ilaqartartugut. Qanigisatta napparsimaruluttut ilaatigut kissaatigisarpaat naalliullutik anniarnerminnit ikiorserneqarnissartik. Qanigisaasutut qanoq iliuusissaaruttarneq aammalu taamaattoqarnera misigissutsitigut misigisatsinnik oqaasertalersuisinnaannginneq, inuunerup

kingusinnerusukkut ingerlaqqinnissaanut atornartorsiortitsilersarput. Tamakku qanoq qaangiivigisarsinnaaneri oqaluuserisinnaasariaqarpagut.

Akissutissat kingusinnerpaamik 20. Januar 2007-mi tunniunneqareersimassapput.